

Давлат ветеринария қўмитаси раиси ўринбосари А.Акбаров томонидан Тошкент шаҳар

Учтепа туманида ўтказилган жисмоний шахслар ва юридик шахсларнинг вакиллари

шахсий сайёр қабули юзасидан

БАЁННОМА

2018 йил “ 8 ” февраль

Учтепа тумани

Давлат ветеринария қўмитаси раиси ўринбосари А. Акбаров томонидан 2018 йилда шахсий сайёр қабул ўтказиш тўғрисидаги Ўзбекистон Республикаси Давлат ветеринария қўмитаси раиси томонидан тасдиқланган жадвалига мувофиқ 2018 йил 8 февраль куни Тошкент шаҳар ветеринария бошқармаси, Учтепа туман ветеринария бўлими ходимлари ва туманда яшовчи бир гурӯҳ жисмоний шахслар ва юридик шахсларнинг вакиллари қабул қилинди.

Қабулда Учтепа туман ҳокими ўринбосари Б.Мирзаев, Тошкент шаҳар ветеринария бошқармаси бошлиғи ўринбосари А.Ишқувватов, Учтепа туман Ободонлаштириш бошқармаси ит тутиш бригадаси вакиллари ҳамда Учтепа туманида фаолият юритаётган күшхона раҳбари ва ҳамда тегишли ташкилот раҳбарлари иштирок этишди.

Шахсий сайёр қабул давомида қўйидаги жисмоний шахслар ва юридик шахсларнинг вакилларининг мурожаат ва таклиф ҳамда мулоҳазалари қабул қилинди:

1. Учтепа туман “Бекобод”МФЙ сардори М.Носиров: “Хонадонидаги чорва молларини боқиши учун сотиб олган ем орасида тош ва қум кўп қўшилган сабабли чорва моллари емни емаётганлиги, чорва молларини соғлиғига жиддий зарар етказаётганлиги сабабли емни сифати учун ким жавоб беради”, ушбу масала бўйича амалий ёрдам бериш юзасидан ёзма мурожаати қабул қилинди.

Ушбу масала юзасидан:

Мурожаатни қонунда белгиланган тартибда қабул қилиш, Ўзбекистон Республикасининг “Жисмоний ва юридик шахсларнинг мурожаатлари тўғрисида”ги Қонуннинг 25-моддасига асосан тегишлилиги бўйича юборишини ва юборилганлиги тўғрисида қўмита томонидан мурожаатчига ёзма маълумот берилиши маълум қилинди.

2. Учтепа тумани “А.Қодирий” МФЙ сардори Х.Зокиров: “Маҳалла худудида жойлашган 245-мактаб атрофида кечки вактда дайди итлар кўпайиб кетганлиги тўғрисида” оғзаки мурожаатлари қабул қилинди.

Ушбу масала юзасидан:

Туман ҳокими ўринбосари Б.Мирзаев томонидан кўтарилиган масалани туман Ободонлаштириш бошқармаси ит тутиш бригадаси вакилига топшириқ бериб, туман ветеринария хизмати билан биргаликда бир кун муддат ичида ҳал этиш ва мурожаат муаллифига бажарилганлиги тўғрисида маълумот берилиши маълум қилинди.

3. Учтепа туманида фаолият юритаётган “Ясмина тайёрлов савдо” МЧЖга қарашли күшхона раҳбари А.Мирсалимов: “Келгусида күшхона фаолиятини қандай юргизиш” тўғрисидаги оғзаки мурожаати қабул қилинди.

Ушбу масала юзасидан:

Давлат ветеринария қўмита раисининг ўринбосари А.Акбаров томонидан мурожаатчига Ўзбекистон Республикаси Вазирлар Маҳкамасининг 2017 йил 15 мартағи “Давлат ветеринария хизмати тизимида рухсат этиш хусусиятига эга ҳужжатларни бериш тартиби тўғрисидаги низомларни тасдиқлаш ҳақида”ги 139-сонли ва 2017 йил 22 сентябрдаги “Ҳайвонларни идентификация қилиш, уларни ҳисобга олиш, ҳисобдан чиқариш ва сақлаш тартибини такомиллаштириш тўғрисида” 748-сонли қарорининг мазмуни, моҳияти ва амалий аҳамияти, күшхонани белгиланган талабларга мувофиқ ихтисослашган сўйиш корхонасига айлантириш ва сўйиладиган ҳайвонларни белгиланган тартибда сўйиш ишларини амалга ошириш бўйича жавобгарлиги тушунтириб берилди.

Шахсий сайёр қабул жараёнда кўтарилиган масалалар ва берилган кўрсатмалар ижросини назорат қилиш Давлат ветеринария қўмитаси жисмоний ва юридик шахсларнинг мурожаатлари билан ишлаш шўъба мудири А.Усмонов зиммасига юклатилди.